

**Naalakkersuisunut apeqquut: Saarullinnut, saattuanut nipisaallu suaannut tunitsivissaqar-niarneq, siunissaq ungasinnerusoq isigalugu qulakkeerniarlugu Naalakkersuisut qanoq iliuseqarniarpat?**

(Inatsisartunut ilaasortaq, Jakob Skade, Kattusseqatigiit Partiiat)

**Akissuteqaat**

(Aalisarnermut, Piniarnermut Nunalerinermullu Naalakkersuisoq)

Naalakkersuisut siunertaraat nunaqarfinni illoqarfinnilu aalisakkanik arlalinnik tunisinermut tunngatillugu pitsaanerpaanik atugassaqartitsilernissaq. Tamassumani piumasaqaatigineqarpoq peqassutsikkut nungusaataanngitsumik aningaasatigullu imminut nappassinnaasumik aalisartoqar-nissaata qulakkeerneqarnissaa kiisalu piumasaqaatigalugu piffissami sivisuumi aningaasat aqut-sinermi atugassat akisussaaffilimmik atorneqarnissaasa qulakkeerneqarnissaa.

Junimi 2009-mi nunaqarfinni immikkut suliniutinut aningaasanik immikkoortitanik Naalakker-suisut pilersitsipput. Immikkoortitani aningaasat ukiup affaata aappaani nunaqarfinni tunitsiviit pillugit sullissinissamut isumaqatigiissummut atorneqarput. Immikkoortitani sulii aningaasaqar-poq atorneqarsinnaasunik, taakkulu aningaasaliissutinut ilassutitut Naalakkersuisunit pilersinne-qarput. Naalakkersuisut kissaatigaat aningaasani immikkoortitani sinneruttut nunaqarfinni toq-qakkani ilinniartitaanermi suliniutinut allanillu ilinniagaqarnissanut atorneqassasut. Aningaasani immikkoortitani aningaasat sinneruttut sulii atugassanngortinneqarnikuunngitsut 8,2 mio. kr.-inik amerlassuseqarput.

Naalakkersuisut siunissami nunaqarfinni aningaasanik immikkoortitsilluni isumaqatigiissusiortar-nissaq suliniutigissavaat. Taamaaliornikkut nunaqarfinni ingerlatat ingerlatiinnarneqarsinnaapput.

Naalakkersuisut aammattaaq suliniutigaat nunaqarfinni suliniutit allanik isertitaqarsinnaanermut periarfissiisut taperserneqarnissaat. Aalisarnermut, Piniarnermut Nunalerinermullu Naalakkersui-soqarfimmi aallarnisaalluni suliniutit maannakkut suliarineqarput. Assersuutigalugu mitit qiviui pillugit suliniut suliarineqarpoq, taannalu suliniutaavoq annikitsoq mitit qiviuinik katersuinissa-mik tuniniaanissamillu siunertaqartoq. Taassuma saniatigut Inuussutissarsiornermut Suliffeqar-nermullu Naalakkersuisoqarfik (ISN) suleqatigalugu eqaluit pillugit suliniut suliarineqarpoq, aammattaarlu aalisartut aalisariutitik atorlugit inunnik angallassisinnaanissaannut akuersissute-qartalersinnaanissaq ISN-ip aamma suliaraa, taamaalilluni aalisartut aasakkut takornarissanik immakkut angallassisinnaanissaat periarfissinniarnearluni.

Tunitsiviit aalisagaatinillu aqutsineq pillugit.

Naalakkersuisut malugeqqussavaat saarullinniarnaq pillugu Pinngortitaleriffimmi biologit siun-nersuinerat malillugu saarulliit 2009-mi aamma 2010-mi aalisarneqartariaqanngillat, taamaalil-luni suffisartut illersorniarnearneqarlutik, taamaalillunilu saarulliit amerliartoqqinnissaannut pitsaanerpaanik periarfissiisoqassalluni.

Taassuma saniatigut oqaatigineqassaaq saarullit nunarsuarmi tuniniaavinni akii maannakkut ap-pasingaatsiartut. Taamaammat nunaqarfinni tunisisarnerni saarullit atorluarneqarnissaasa isigini-arneqannginnissaat Naalakkersuisut pingaartutut isigaat, tassa ataasiinnarmik tunngaveqarneq taamaattoq Naalakkersuisut qulliunerusumik anguniagaannut qulaani taaneqartunut maannakkut naapertuutinningsutut isigineqarmat.

2009-mi nipisanniarneq aningaasat isertitat isigigaanni ajorisassaangilaq, tassanilu nipisat suaasa tuniniaavinni akiisa qaffasingaatsiarnernik pissuteqarpoq. Aalisarnermut, Piniarnermut Nunalerinermullu Naalakkersuisup sinaakkutaasumik atugassaritinneqartut ingerlatiinnarneqar-nissaat kissaatigaa, aalisarneq taanna pitsaanerpaamik aningaasanik isertitaqarfigitiinnarniarlugu.

Tassani tunngaviuvoq aalisarnerup imminut nappassinnaasumik aqunneqarnissaa. Naalakkersui-sut isumaqarput nipisat suaannik tunisisarneq imminut akilersinnaasumik ingerlanneqartoq, niu-ernermi pitsaasunik periarfissiineq kinguneralugu. Nipisanniarneq ukiup ilaannaani ingerlanne-qartarmat, tamanna aalisarnermi tassani aalisarsinnaassutsip qaffasinneranut tapersiivoq.

Kalaallit Nunaanni saattuarniarneq aalisarnermi pingaarnersat sisamaraat. Naalakkersuisut piler-saarutigaat saattuarniarnermik aqutsinissamik pilersaarusiornissaq, tassani qulakkeerneqassalluni aalisarnerup imminut nappassinnaasumik aqunneqarnissaa, taamaalilluni tunisisinnaaneq qulak-keerneqassalluni. Maannakkut tunisassiorfiit tallimat saattussanik tunisassiorsinnaanermut akuer-sissuteqarput.